



საქართველოს ოკუპირებული ტერიტორიებიდან დევნილთა, შრომის,
ჯანმრთელობისა და სოციალური დაცვის მინისტრის

ბ რ ძ ა ნ ე ბ ა



KA030112853824520

№ 01-231/ო

29 / მაისი / 2020 წ.

საქართველოში ახალი კორონავირუსით (SARS-CoV-2) გამოწვეული ინფექციის (COVID-19) შესაძლო შემთხვევების გავრცელების (ეპიდემია, პანდემია, ეპიდემიური აფეთქება) პრევენციისა და საეჭვო და/ან დადასტურებულ შემთხვევებზე რეაგირების მზადყოფნისათვის, სამედიცინო დაწესებულებების მობილიზების შესახებ

„იზოლაციისა და კარანტინის წესების დამტკიცების შესახებ“ საქართველოს მთავრობის 2020 წლის 23 მაისის N322 დადგენილებით დამტკიცებული „იზოლაციისა და კარანტინის წესების“ მე-18 მუხლის მე-2 პუნქტისა და „საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს დებულების დამტკიცების შესახებ“ საქართველოს მთავრობის 2018 წლის 14 სექტემბრის N473 დადგენილებით დამტკიცებული დებულების მე-6 მუხლის მე-2 პუნქტის „ო“ ქვეპუნქტის შესაბამისად,

ვ ბ რ ძ ა ნ ე ბ ა:

მუხლი 1.

1. „იზოლაციისა და კარანტინის წესების დამტკიცების შესახებ“ საქართველოს მთავრობის 2020 წლის 23 მაისის N322 დადგენილების N1 და N2 დანართებით განსაზღვრული სამედიცინო დაწესებულებები (გარდა ამ მუხლის მე-2 პუნქტით განსაზღვრული დაწესებულებებისა) 2020 წლის 1 ივნისიდან უფლებამოსილნი არიან გააგრძელონ/ალადგინონ სამედიცინო მომსახურება კანონმდებლობის შესაბამისად მინიჭებული სანებართვო დანართებით განსაზღვრული საქმიანობის ფარგლებში.

2. ქვემოთ ჩამოთვლილი სამედიცინო დაწესებულებები 2020 წლის 15 ივნისიდან უფლებამოსილნი არიან გააგრძელონ/ალადგინონ სამედიცინო მომსახურება კანონმდებლობის შესაბამისად მინიჭებული სანებართვო დანართებით განსაზღვრული საქმიანობის ფარგლებში:

ა) სს ინფექციური პათოლოგიის, შიდსისა და კლინიკური იმუნოლოგიის სამეცნიერო-პრაქტიკული ცენტრი;

ბ) შპს აკადემიკოს ვახტანგ ბოჭორიშვილის კლინიკა;

გ) სსიპ - თბილისის სახელმწიფო სამედიცინო უნივერსიტეტის პირველი საუნივერსიტეტო კლინიკა“;

დ) შპს აკადემიკოს ნიკოლოზ ყიფშიძის სახელობის ცენტრალური საუნივერსიტეტო კლინიკა;

ე) შპს აკადემიკოს ნიკოლოზ ყიფშიძის სახელობის ცენტრალური საუნივერსიტეტო კლინიკა - რუხი;

ვ) შპს თბილისის ბავშვთა ინფექციური კლინიკური საავადმყოფო;

ზ) შპს ლჯ და კომპანია დასავლეთ საქართველოს ტუბერკულოზისა და ინფექციურ პათოლოგიათა ცენტრი;

თ) შპს მედალფა“ ბათუმის კლინიკა;

ი) სსიპ - გიორგი აბრამიშვილის სახელობის საქართველოს თავდაცვის სამინისტროს სამხედრო ჰოსპიტალი;

კ) სს საჩხერის რაიონული საავადმყოფო-პოლიკლინიკური გაერთიანება;

ლ) შპს მცხეთის სამედიცინო ცენტრი.

3. ამ მუხლის პირველი და მე-2 პუნქტებით განსაზღვრული სამედიცინო დაწესებულებები, იმავე პუნქტებით განსაზღვრული პერიოდებიდან, ვალდებული არიან განახორციელონ ცხელების მქონე ნებისმიერი პაციენტის პირველადი ტრიაჟი, დიაგნოსტიკა, COVID-19-ის დიაგნოზის დადასტურების შემთხვევაში პაციენტის რეფერალი ან მართვა სამედიცინო პერსონალის მიერ ინფექციის პრევენციისა და კონტროლის ღონისძიებების მკაცრად დაცვით. ამასთან, ისინი ვალდებული არიან ეპიდემიოლოგიური მდგომარეობის გათვალისწინებით, საჭიროების შემთხვევაში, დაუყოვნებლივ, არაუგვიანეს საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს (შემდგომ - სამინისტრო) მითითებიდან 24 საათში, უზრუნველყონ საწოლფონდის მობილიზაცია, სამედიცინო პერსონალის მიერ ინფექციის პრევენციისა და კონტროლის ღონისძიებების მკაცრად დაცვით და სამინისტროს მიერ მითითებული საწოლების რაოდენობის შესაბამისად.

4. ამ მუხლის პირველი და მე-2 პუნქტებით განსაზღვრული პერიოდიდან შესაბამის სამედიცინო დაწესებულებებთან შეწყდება „2020 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2019 წლის 31 დეკემბრის N674 დადგენილების N20 დანართის (ახალი კორონავირუსული დაავადების COVID 19-ის მართვა) მე-4 მუხლის „ვ“ ქვეპუნქტით განსაზღვრული დაფინანსება.

5. დაევალოს სამინისტროს სახელმწიფო კონტროლს დაქვემდებარებულ სსიპ - სოციალური მომსახურების სააგენტოს უზრუნველყოს ამ ბრძანების შესახებ სამედიცინო დაწესებულებების ინფორმირება.

მუხლი 2.

ბრძანება ძალაშია ხელმოწერისთანავე.

მინისტრი

ხელმოწერილია/
შტამმკვდარსმულია
ელემენტრონულად



ეკატერინე ტიკარაძე